

soit net & purifié, il est enuoyé de Dieu Seigneur de l'Vniuers, si vous abiurez ce qui est escrit dans ce liure vous serez au nombre des infidelles, & cognoistrez la verité lors que l'ame sortira de vostre corps, ie sçay cela mieux que vous, mais vous ne le confiderez pas; si vous croyez de ne pas ressusciter, faites retourner vostre ame dans vostre corps lors qu'elle sera sur vos levres; Lors qu'un homme de bien mourra, il trouuera repos, & toute sorte de contentement dans les delices du Paradis, s'il est de ceux qui tiendront le liure de compte de leurs œures à la main droite, & sera exempt des peines eternelles: S'il est au nombre des infidelles & des deuoyez, il sera precipité dedans l'Enfer, c'est vne verité tres-assurée. Exalte le nom de ton Seigneur tout-Puissant.

LE CHAPITRE DV FER,
contenant vingt-neuf versets,
escrit à la Medine.

AV nom de Dieu clement & misericordieux. Tout ce qui est aux Cieux & en la Terre exalte la gloire de Dieu, il est tout-Puissant & Sage, le Royaume des Cieux & de la Terre est à luy, il donne la vie & la mort à qui bon luy semble, il est sans commencement & sans fin, il sçait tout ce que les hom-

mes mettent en euidence, & tout ce qu'il tien-
 nent secret, il sçait toute chose. C'est luy qui a crée
 la Terre & les Cieux en six iours & s'est assis en
 son trosne, il sçait tout ce qui entre dans la terre
 & tout ce qui en sort, il sçait tout ce qui descend du
 Ciel & tout ce qui y monte, il est avec vous en quel
 lieu que vous soiez, & void ce que vous faites, le
 Royaume des Cieux & de la Terre est à luy & toutes
 choses luy obeissent: Il fait entrer la nuit dans le iour,
 & sçait ce qui est dās le cœur des hommes. Croyez en
 Dieu & en son Prophete, depensez en œures pies
 quelque partie des biens qu'il vous a donnés, il vous
 en donnera d'auantage; faites du bien abondam-
 ment à ceux qui croiront en sa loy; Pourquoi ne
 croirez-vous pas en Dieu & en son Apostre qui vous
 enseigne les commandemens de vostre Seigneur?
 Vous luy auez promis d'embrasser sa loy, il a inspiré
 ses commandemens à son seruiteur pour vous faire
 sortir des tenebres, & vous conduire à la lumiere, il
 est clement & misericordieux. Qui vous empesche
 de faire quelque depense pour sa gloire? l'heredi-
 té des Cieux & de la Terre est à luy, ceux qui ont
 fait quelque depense pour son seruire auant la prise
 de la Meque, ne sont pas egaux en merite à ceux qui
 ont combattu pour conquerir cette ville, ils sont vn
 grand degré au dessus de ceux qui n'ont pas combattu
 & seront protegez par sa diuine Majesté, il promet le
 Paradis aux gés de bien, & sçait tout ce que vous fai-
 tes; Qui sera celuy qui luy prestera quelque aumosne?

il augmentera ses biens & luy donnera vne grande recompense ; Souuiens- toy du iour que tu verras ceux & celles qui ont obey à mes commandemens, avec vne lumiere qui marchera deuant eux, on leur dira, on vous annonce auourd'huy que vous entrez & demeurerez eternellement dans des iardins où coulent plusieurs fleues, & où vous trouuerez la supreme felieité. Souuiens- toy du iour que les impies diront aux vray-croyans. Regardez nous, iettez vostre veüe de nostre costé afin que nous prenions vn peu de vostre lumiere; Ils leur diront, retournez sur vos pas pour demander de la lumiere. Il y a vn lieu entr'eux qui a vne porte secrette, il est remply de grace & de repos pour les bons, & le dehors est entouré de misere pour les meschans, ils appelleront les bons & leur diront, n'estions nous pas de vostre Religion, ils respondront, ouy, mais vous avez trahy vos ames, par la desobeissance, vous avez douté de la loy, de Dieu, vos blasphemés vous ont rendu orgueilleux iusques à l'heure de vostre mort, le Diable vous a rendu superbes, & vous a fait esleuer contre les commandemens de sa diuine Majesté, auourd'huy il n'y a point de rançon ny de grace pour vous, le feu d'Enfer est l'habitation des meschans, ô quelle habitation ! Ceux qui croyent en Dieu ne se faschent pas d'humilier leur cœur au souuenir de l'Alcoran & de la verité qu'il contient, ils ne sont pas comme ceux qui ont eu cy- deuant la cognoissance de la loy escripte, ils ont demeuré long-temps sans Prophetes, leurs

cœurs se sont endurcis & la plus grande partie d'entre eux a esté impie. Sçachez que Dieu donne la vie à la terre apres sa mort, nous vous auons enseigné les misteres de la foy peut-estre que vous les comprendrez, Dieu multipliera les bien-faits que les gens de bien luy prestent & leur donnera vne grande recompense, ceux qui croient en Dieu & en son Prophete sont gens de bien, les martyrs seront recompensez de Dieu, ils seront couverts de lumiere, & les impies qui desobeiront à ses commandemens seront damnez eternellement, la vie de ce monde n'est que vanité, ieu & abus ce n'est que superbe, l'abondance des biés & des enfans est semblable à la pluye, les impiés s'estonnent des plantes qu'elle produict, à la fin elles se fient, elles deuiennent iaulnes, & puis elles sont entierement seches; Les impies ressentiront de grands tourmens, & les bons jouiront de la misericorde de Dieu, la vie de ce monde n'est que matiere d'orgueil, demandez pardon à Dieu, le Paradis large comme le Ciel & la Terre, est preparé à ceux qui croiront en sa diuine Majesté & en son Prophete, c'est vne grace immense qu'il donne à qui bon luy semble. Tout le mal que vous auez en terre, en vos biens & en vos personnes est escrit dans vn liure auant qu'il vous arriue, c'est chose facile à Dieu, afin que vous ne vous affligiez pas extraordinairement dans vos deplaisirs, & que vous ne vous resioüissiez pas extraordinairement dans vos contentemens, Dieu n'ayme pas les orgueilleux, il n'a pas affaire des auaricieux qui recom-

recommandent l'auarice au peuple , & qui s'éloignent de leur deuoit ; Louange luy est deüe , louange luy est deuë en tout lieu ; Certainement nous auons enuoyé nos Messagers avec nos commandemens , nous auons enuoyé les escritures avec eux , & la balance afin que le peuple pese à bon poids. Nous auons donné le fer aux hommes, il cause de grands maux & de grands biens au monde, Dieu cognoit ceux qui combattent avec zele pour sa loy & pour son Prophete sans le voir, il est fort & tout-Puissant. Nous auons enuoyé Noé & Abraham pour instruire le peuple , nous auons enseigné l'escriture à leur lignée, Les vns ont suiuy le droict chemin, & plusieurs ont desobey à nos commandemens, nous auons enuoyé apres eux nos Prophetes & Apostres , nous auons enuoyé Iesus Fils de Marie, nous luy auons enseigné l'Euangile , nous auons mis la ciuilité, la clemence, la chasteté dans le cœur de ceux qui l'ont suiuy, nous ne leur auons pas cōmandé de garder la virginité, ils l'ont gardée eux-mesmes à cause du desir qu'ils auoient de complaire à Dieu, ils n'ont pas obserué leur loy comme ils deuoient, plusieurs ont esté desobeissants, mais nous auons recompensé ceux d'entr'eux qui ont crû. O vous qui croyez en Iesus, craignez Dieu & croyez en son Prophete, vous aurez double recompense de la misericorde Dieu , il vous pardonnera vos pechez, il est clement & misericordieux ; Je vous enseigne ces choses afin que ceux qui ont cy-deuant receu la loy escrite, cognoissent qu'ils

n'ont point de pouuoir sur la grace de Dieu , il l'a donne à qui bon luy semble , certainement elle est immense.

LE CHAPITRE DE LA DISPVTE,
contenant vingt-deux versets,
escrit à la Medine.

AV nom de Dieu clement & misericordieux. Dieu a ouy la parole de celle qui dispute avec toy de l'action de son mary , elle luy a dit sa plainte, il entend tous vos discours , il entend tout & void tout. Personne d'entre vous ne iurera de ne iamais toucher sa femme non plus que sa mere ; vos femmes ne sont pas vos meres, vos meres sont celles qui vous ont conçeus & enfantez, ceux qui parlent de la façon parlent incéluement , mais Dieu est clement & misericordieux ; Celuy qui aura iuré de ne plus toucher sa femme & la voudra cognoistre, donnera liberté à vn esclau pour satisfaction de son serment auant que de la toucher, cela vous est ordonné, Dieu sçait tout ce que vous faites, s'il n'a pas le pouuoir de deliurer vn esclau il ieusnera deux mois consecutifs auant que de la toucher, s'il ne peut pas ieusner, il dóner al'aumosne à 50. pauvres, vous deuez ainsi faire si vous croyez en Dieu & en son Prophete, Dieu l'a ainsi ordonné, & à preparé de